# $\mathbf{C}$ КАНОН С АКАФИСТОМ АГАПИТУ

# КАНОН С АКАФИСТОМ

## ПРЕПОДОБНОМУ ОТЦУ НАШЕМУ

### АГАПИТУ

ПЕЧЕРСКОМУ ЧУДОТВОРЦУ



Во сла́ву Святы́я, Единосу́щныя, Животворя́щия и Нераздели́мыя Тро́ицы, Отца́ и Сы́на и Свята́го Ду́ха благослове́нием Блаже́ннейшаго Влади́мира, Митрополи́та Ки́евскаго и всея́ Украи́ны, священноархимандри́та Ки́ево-Пече́рския Успе́нския Ла́вры, при Наме́стнике Высокопреосвяще́ннейшем Па́вле, архиепи́скопе Вы́шгородском, напеча́тася кни́га сия́ — Канон с ака́фистом преподо́бному отцу́ на́шему Агапиту, Пече́рскому чудотворцу в то́йже

Святой Ки́ево-Пече́рской Успе́нской Ла́вре в ле́то от сотворе́ния ми́ра 7519, от Рождества́ же по пло́ти Бо́га Сло́ва 2011



# КАНОН С АКАФИСТОМ ПРЕПОДОБНОМУ ОТЦУ НАШЕМУ АГАПИТУ, ПЕЧЕРСКОМУ ЧУДОТВОРЦУ

(память 1/14 июня)

То́споди Иису́се Христе́, моли́тв ра́ди Пречи́стыя Твоея́ Ма́тере и всех святы́х, поми́луй нас, ами́нь.

Слава Тебе, Боже наш, слава Тебе.

Царю́ Небе́сный... Трисвято́е. Сла́ва, и ны́не... Пресвята́я Тро́ице... Го́споди, поми́луй, три́жды. Сла́ва, и ны́не... Отче наш...

Господи, помилуй, 12 раз. Слава, и ныне... Приидите, поклонимся, трижды.

#### И псалом 142:

Господи, услыши молитву мою, внуши моление мое во истине Твоей, услыши мя в





правде Твоей; и не вниди в суд с рабом Твоим, яко не оправдится пред Тобою всяк живый. Яко погна враг душу мою; смирил есть в землю живот мой; посадил мя есть в темных, яко мертвыя века. И уны во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздех к Тебе руце мой: душа моя яко земля безводная Тебе. Скоро услыши мя, Господи, исчезе дух мой; не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах: скажи мне, Господи, путь, в оньже пойду, яко к Тебе взях душу мою. Изми мя от враг мойх, Господи, к Тебе прибегох. Научи мя творити волю Твою, яко Ты еси Бог мой; Дух Твой Благий наставит мя на землю праву. Имене Твоего ради, Господи, живиши мя правдою Твоею; изведещи о печали душу мою; и милостию Твоею потребиши враги моя, и погубиши вся стужающия души моей, яко аз раб Твой есмь.

Слава, и ныне... Аллилуиа, трижды.





#### Тропарь, глас 5:

Богоноснаго Антония ревнуя смиренномудрию, аки неким врачевством, зелием снедным исцеля́л еси боля́щыя, преподобне Агапите, тем и врача́ неве́рна уве́рив, наста́вил еси́ на путь спасе́ния, уврачу́й и на́ша боле́зни, и моли́ся Го́сподеви о воспева́ющих тя.

#### Слава, и ныне, Богородичен:

Ра́дуйся, две́ре Госпо́дня непроходи́мая; ра́дуйся, стено́ и покро́ве притека́ющих к Тебе́; ра́дуйся, необурева́емое приста́нище и Неискусобра́чная<sup>1</sup>, ро́ждшая пло́тию Творца́ Твоего́ и Бо́га, моля́щи не оскудева́й о воспева́ющих и кла́няющихся Рождеству́ Твоему́.

Псалом 50-й: Помилуй мя, Боже...

#### КАНОН Песнь 1. глас 6:

Ирмос: Яко по суху пешеше́ствовав Изра́иль, по бе́здне стопа́ми, гони́теля фарао́на ви́дя потопля́ема, Бо́гу побе́дную песнь пои́м, вопия́ше.

Припев: Преподобне отче Агапите, моли Бога о нас.

<sup>&</sup>lt;sup>1</sup> не испытавшая **бр**ачного состояния





Яко нема́го дре́вле прикоснове́нием устро́ил еси́ пра́во глаго́лати, си́це и мне, Христе́ мой, язы́к разреши́, ум отве́рзи, да принесу́ в па́мять уго́дника Твоего́ хвале́ние любо́вию пою́щи.

Не могу́ воспе́ти я́сно благода́ти твоея́, преподо́бне, а́ще не ты моли́твами твои́ми пода́си мне по́мощь, да просла́влю Влады́ку, да́вшаго тебе́ благода́ть исцеле́ний, во хвале́нии пою́щи.

По предуве́дению воззва́н был еси́, свя́те, в след Влады́ки своего́ ше́ствовати, и тому́ после́дуя, вся кра́сная ми́ра оста́вль, любо́вию прише́л еси́ к вели́кому Анто́нию, и с ним пожи́л еси́, непреста́нное хвале́ние Бо́гу пою́ши.

Сла́ва: Земно́му а́нгелу и небе́сному челове́ку после́дуя, и сам а́нгельское житие́ стяжа́л еси́, о́тче преподо́бне. Тем твоя́ исправле́ния почита́ем, и прославля́ем всех Влады́ку, о тебе́ песнь Ему́ пою́ще.

И ны́не: От земны́х и небе́сных сил сла́вимая Присноде́во, в дне́шний день хвале́ние Тебе́ дерза́ющих приноси́ти, от всех прило́-





гов сохраняй, да выну Тя воспоем, Обрадованная.

#### Песнь 3

Ирмос: Несть свят, якоже Ты, Господи Боже мой, вознесый рог верных Твойх, Блаже, и утвердивый нас на камени исповедания Твоего.

Во мно́гих ле́тех мно́жайшыя проше́л еси́ труды́, Ага́пите, подвиза́яся во бде́нии и поще́нии, до́ндеже единонра́вен показа́лся еси́ наста́внику своему́, и от него́ утверди́лся на ка́мени тве́рдаго жития́.

Ничтоже и́но, то́кмо нищету́ име́я, обнища́вшему нас ра́ди Христу́ после́довал еси́, о́тче, и Того́ за́поведи храня́, служи́л еси́ больны́м, посеща́я и упокоева́я, и здра́вие тем моли́твою свое́ю подава́я.

С преподобным жительствуя, стяжал еси преподобство, достохвальне Агапите, и исцеления даров сподобился еси, яко молитвою и зелием снедным здравие подавал еси болящым, темже и врач нареклся еси безмездный<sup>2</sup>.

<sup>&</sup>lt;sup>2</sup> оказывающий страждущим помощь без платы





Сла́ва: Просла́вил еси́ Бо́га во удесе́х твои́х, преподо́бне, те́мже и Бог тя просла́ви благода́тию исцеле́ния, и́мже и на́ша неду́ги уврачу́й душе́вныя и теле́сныя, да утверди́мся на ка́мени испове́дания Бо́жия.

И ны́не: Израстившая живо́тное дре́во, Того́ плодо́м нас умерщвле́нных греха́ми оживи́, и да́руй нам, Ма́ти Чистая, кре́пкое бла́гости Твоея́ испове́дание.

#### Седален, глас 4:

Яко ту́не прие́мый от Бо́га дар исцеле́ния, стра́ждущым исцеле́ние ту́не подае́ши с ве́рою к тебе́ притека́ющым. Те́мже и мы, кла́няющеся ра́це³ моще́й твои́х, о́тче преподо́бне, про́сим прия́ти от тебе́ неду́гом на́шим исцеле́ние.

#### Слава, и ныне, Богородичен:

К Твоему́ благоутро́бию в ско́рбех притека́юще, мо́лимся, Всенепоро́чная, пода́ждь преподо́бнаго Твоего́ ра́ди нам, неду́ги одержи́мым, ско́рое исцеле́ние.

<sup>&</sup>lt;sup>3</sup> гроб, место упокоения тела





#### Песнь 4

Ирмос: Христос моя сила, Бог и Господь, честная Церковь боголенно поет, взывающи, от смысла чиста, о Господе празднующи.

Бу́ия ми́ра сего́ Христо́с избра́, да прему́дрыя посрами́т, е́же и на тебе́ сбы́стся, о́тче всеблаже́нне: благода́тию бо, а не хи́тростию прему́драго посрами́л еси́ врача́. Тем тя сла́вим, о Го́споде пра́зднующи.

Прельсти́ся и́же пе́рвее больны́х прельща́ше, извеща́я им день и час сме́рти: ему́же ты поно́сив, преподо́бне, боля́щаго исцели́л еси́ моли́твою и зе́лием сне́дным, рек: да́ждь сла́ву Бо́гу, иму́щему ключ живота́ и сме́рти.

За́висти стрело́ю злочести́вый армени́н уя́звен, поноша́ше ти, свя́те, и посла́в на смерть осужде́ннаго, повеле́ пред тобо́ю умертви́ти бы́лием смертоно́сным. Но ты сего́ моли́твою и зе́лием исцели́в, посрами́л еси́ еретика́, хотя́щаго тя посрами́ти.

Сла́ва: Претыка́ющемуся да́нная ти благода́ть бысть паде́ние, преблаже́нне, наипа́че бо на тя вооружи́вся злочести́вый армени́н,





наусти дати тебе отраву: но ты и смертно испив, невредимь был еси, яко Божия благодать сохрани тя к большему чудодействию.

И ны́не: Ра́дуйся, сосу́де, носи́вший ми́ро, исцели́вшее род челове́ческий, я́дом мя грехо́вным умерщвле́нна оживи́, да про́чее вре́мя цел поживу́, Тя, Де́во, восхваля́ющи.

#### Песнь 5

Ирмос: Божиим светом Твоим, Блаже, утренюющих Ти души любовию озари, молюся, Тя ведети, Слове Божий, истиннаго Бога, от мрака греховнаго взывающа.

От Бо́га благода́ть исцеле́ния прие́мь, исцели́л еси́ кня́зя, и́же а́ще и врачу́емь бе от армени́на, но не получа́ше отра́ды, твоего́ же зе́лия вкуси́в, от неду́га изба́вися.

Зри́те, и́ночествующии, и доброде́тельному терпе́нию Богоно́снаго отца́ почуди́теся, ка́ко со отрече́нием ми́ра во́ли своея́ отрече́ся, и не изы́де никогда́же вне врат монасты́рских, е́же ви́дяще, сему́ поревну́йте.

Едину любовь ко всем имущи, а не на лице зрящи, аще князь, аще прост к тебе прихо-





жда́ше, преподо́бне, всем приходя́щым подава́л еси исцеле́ние ту́не, еди́наго ища́ возме́здия от Бо́га.

Сла́ва: Прие́мь князь тобою исцеле́ние, всеблаже́нне, уразуме́, я́ко и́стинен раб Бо́жий еси́, и ви́дети тя жела́ше. Те́мже прии́де к тебе́ с да́ры: ты же, еди́наго име́я Бо́га, нивочто́же от тех даров восхоте́л еси́ прия́ти.

И ныне: Хва́лим Тя, Пречистая Дево, я́ко отверза́еши нам две́ри ми́лости Твоея́, и подае́ши всем незави́стный исто́чник исцеле́ния, от я́да грехо́внаго избавля́ющий.

#### Песнь 6

Ирмос: Житейское море, воздвизаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Вся тле́нная ми́ра сего́ оста́вив, принесе́нное зла́то изве́ргл еси́, блаже́нне, пред враты́ ке́ллии своея́, изверга́я вку́пе любоиме́ннаго<sup>4</sup> врага́, и стира́я душегу́бную того́ главу́.

<sup>4</sup> сребролюбивого, алчного к богатству





Един Бисер стяжа́в Многоце́нный, Иису́са, вся во уме́ты вмени́л еси́, свя́те, и тем купи́л еси́ себе́ селе́ние в небе́сных, е́же и мы получи́ти мо́лимся твои́ми, о́тче, моли́твами.

Мно́гими ле́ты постя́ся, изнемо́гл еси́ те́лом, преподо́бне, но ду́хом пребы́л еси́ кре́пок, а́ки столп, вся наноси́мая терпя́, и благодаря́ Бо́га, к Нему́ взыва́л еси́: возведи́ от тли живо́т мой, Многоми́лостиве.

Сла́ва: Те́лом боле́знуя, ду́хом бра́лся еси́ с злочести́вым армени́ном, и́же по трие́х днех смерть тебе́ провозвеща́ше: сего́ ты, блаже́нне, одоле́л еси́, по трие́х ме́сяцех отше́ствие свое́ к Бо́гу возвеща́я.

И ны́не: Во Твое́ чре́во, Пренепоро́чная Де́во, все́льшееся Сло́во, род челове́ческий в небе́сных дво́рех всели́. Умоли́ Того́ от тле́ния мя сея́ жи́зни пресели́ти, иде́же пото́ком сла́дости пита́ются святи́и.

#### Кондак, глас 6:

Врач сый изря́ден, чу́дне, явля́я несумне́нную твою́ ве́ру, облича́я же армени́ново неве́рие, и приводя́ его́ к благоче́стию, себе́





близ смерти бывшу, испроси́л еси́ от Бо́га продолже́ние живота́, и сим чу́дом того́ уве́рив, приве́л еси́ Христо́ви, Ему́же в весе́лии предстоя́, моли́ся о нас, преподо́бне.

#### АКАФИСТ Кондак 1

Избранный учениче великаго учителя, преподобнаго и Богоноснаго отца нашего Антония, и дивный подражателю жития его святаго, святе отче Агапите, песнью восхваляем тя с любовию, заступника нашего: ты же, яко имеяй дерзновение ко Господу, молися выну о спасении нас грешных, от всяких бед избавляя зовущих ти: Радуйся, Агапите, душевных и телесных недугов скорый целителю.

#### Икос 1

Ангелом любезную чистоту́ от ю́ности Твоея́ возлюби́в, блаже́нне Ага́пите, к доброде́телей подвижнику, преподо́бному Анто́нию прите́кл еси́, и от него́ во и́ночество облече́нный, подража́тель ре́вност-





ный подвигов его был еси: темже славим тя воззвании сими:

Ра́дуйся, Богоно́снаго Анто́ния доброде́телей и даро́в насле́дниче.

Ра́дуйся, на высоту́ соверше́нства духо́внаго восше́дый.

Ра́дуйся, моли́твами усе́рдными дар врачева́ния и чудотворе́ния от Го́спода получи́вый.

Ра́дуйся, из глубины́ души́ воздыха́нии чистоту́ душе́вную стяжа́вый.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 2

Ви́дев всеви́дец Госпо́дь благо́е души́ твоея́ изволе́ние, блаже́нне Ага́пите, е́же порабо́тати Ему́ безле́ностно, внуши́ преподо́бному Анто́нию благослови́ти тя на жесто́кое и о́строе в пеще́рнем затво́ре житие́. Ты же благослове́ние свято́е с ве́рою прие́мь, в пеще́ре поко́й ве́чный обре́л еси́, Еди́ному Бо́гу рабо́тая в пе́ниих, бде́ниих и поще́ниих, немо́лчно воспева́я Ему́: Аллилу́иа.





#### Икос 2

Разуме́в преподо́бный Анто́ний произволе́ние Бо́жие возсия́ти в сем и́ноце вельми́ благоуго́дным начина́нием и душеспаси́тельным наме́рением, изоби́льно насы́тил еси́ его́ духо́вною сла́достию и в доброде́телех укрепи́л еси́, сего́ ра́ди вопие́м ему́ такова́я:

Ра́дуйся, преподо́бнаго Анто́ния нра́вы себе́ усво́ивый.

Ра́дуйся, того́ житию́ усе́рдно поревнова́вый.

Ра́дуйся, сыно́внюю любо́вь к нему́ стяжа́вый.

Радуйся, и от него зело возлюбленный.

Радуйся, самовидче его подвигов.

Ра́дуйся, во врачева́нии неду́гов ему́ споспе́шествующий.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 3

Си́лою Бо́жиею укрепля́емый, свя́те Ага́пите, вели́кия и́ноческия труды́ подъя́л еси́, сего́ ра́ди благослови́ся де́ло руку́ твое́ю во





сла́ву и́мени Госпо́дня, на спасе́ние и врачева́ние все́х, с ве́рою и наде́ждою к тебе́ притека́ющих и неле́ностно вознося́щих песнь Пресвяте́й Тро́ице: Аллилу́иа.

#### Икос 3

Име́я по́мысл чист и непоро́чну со́весть и па́мятуя Ре́кшаго: «Бо́лен бех и посети́сте Мене́... поне́же сотвори́сте еди́ному от сих бра́тий Мои́х ме́нших, Мне сотвори́сте», неду́гующих и́ноков под свой покро́в оте́чески прие́мля, я́коже роди́тель ча́да своя́, уте́шал еси́, отра́ду свои́м попече́нием подава́я и оте́ческою ла́скою тя́жесть боле́зни облегча́я, моли́твою со одра́ боле́зни воздвиза́л еси́. Сего́ ра́ди приими́ от нас благохвале́ния<sup>5</sup> такова́я:

Ра́дуйся, в доброде́телех благоиску́сный подвижниче.

Ра́дуйся, во Христе́ всю бра́тию мона́шескую возлюби́вый.

Ра́дуйся, недужных иноков смире́нный и неусы́пный служи́телю.

<sup>&</sup>lt;sup>5</sup> добрые похвалы (2 Кор. 6, 8)





Ра́дуйся, за по́двиги вре́меннаго жития́ поко́й ве́чный обреты́й.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 4

Бу́рю многомяте́жнаго жите́йскаго мо́ря безбе́дно проше́л еси́, блаже́нне, и в при́стань безстра́стия дости́гл еси́, окормля́емь за́поведями Христа́ Бо́га, я́же бы́ша свети́льник нога́ма твои́ма и све́т стезя́м твои́м. Те́мже ны́не в го́рних оби́телех водворя́ешися, сла́дце поя́ Триеди́ному Бо́гу: Аллилу́иа.

#### Икос 4

Слышавше мнози о Богоуго́днем житий твое́м, блаже́нне Ага́пите, прихожда́ху к тебе́: о́ви послу́шати поуче́ний твои́х, о́ви исцеле́ния от разли́чных неду́гов прия́ти, и́хже ты с оте́ческою любо́вию прие́мля, руково́дствовал еси́ ко спасе́нию, отгоня́я всяк неду́г и вся́ку не́мощь. Сего́ ра́ди и мы прибега́ем к тебе́, вели́кому помо́щнику и цели́телю, сла́вяще тя си́це:





Ра́дуйся, безмо́лвия люби́телю, оби́тель по́двиги свои́ми украси́вый.

Ра́дуйся, спасе́ния мно́гих ду́ш челове́ческих вино́вниче.

Ра́дуйся, боле́знующих греха́ми врачу́ благоиску́сный.

Ра́дуйся, во́ине Христо́в, полки́ неви́димых враго́в победи́вый.

Ра́дуйся, бли́жния твоя́ и́скренне возлюби́вый.

Ра́дуйся, спасе́нию их душе́вному и исцеле́нию теле́сному усе́рдно послужи́вый.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 5

Боготе́чное свети́ло быв, уго́дниче Бо́жий, всех к Со́лнцу Пра́вды, Христу́, путеводи́л еси́ образом жития́ твоего́ свята́го, и́же все бысть посвящено́ на служе́ние Богу и бли́жним твои́м. Ни́щыя и убо́гия ми́лостивно пита́л еси́, те́мже блаже́нство ми́лостивых унасле́довал еси́, и со святы́ми пое́ши ве́чно хвале́бную песнь: Аллилу́иа.





#### Икос 5

Ви́дим тя, блаже́нне о́тче Ага́пите, дости́гшаго в ме́ру му́жа соверше́нна о Христе́ и преиспо́лненна дарова́ний Боже́ственных, в Ева́нгелии Христо́вом обетова́нных ве́рным после́дователем Бо́га Сло́ва. Те́мже, чудя́щеся твои́м по́двигом, пое́м ти хвале́бно:

Ра́дуйся, во глубине́ се́рдца Би́сер Драги́й, Го́спода Иису́са Христа́, обреты́й.

Ра́дуйся, имя Его́ Боже́ственное во усте́х и в се́рдце свое́м вы́ну име́вый.

Ра́дуйся, на земли́ алка́вый и жа́ждавый, ны́не же нетле́нныя пи́щи на Небеси́ насыша́яйся.

Ра́дуйся, нищету́ храни́вый, ни́щих от гла́да избавля́яй.

Ра́дуйся, и́го Христо́во благо́е и ле́гкое и́скренне возлюби́вый.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 6

Пропове́дник быв житие́м твои́м ева́нгельских доброде́телей, о́тче блаже́нне, плоть





твою постом и молитвою духу поработил еси, и во славу Божию пожил еси: лучами своих подвигов злобнаго врага, арменина нечестиваго, завистию и гневом палимаго, и своими злостными ухищрениями веселящагося, не токмо посрамил еси, но и к свету Христовой истины привел еси, поучая за все благодарити и славословити Господа, поя Ему: Аллилуиа.

#### Икос 6

Возсия́в в пеще́ре святы́я оби́тели сея́, я́ко богоно́сное свети́ло, блаже́нне Ага́пите, све́том до́брых дел и врачева́ний умили́л еси́ ду́ши и сердца́ челове́ков, и нечести́ваго врача́ и зави́стника и его́ безсту́дное<sup>6</sup> безве́рие посрами́л еси́. Тем у́бо тебе́, свято́му и блаже́нному уго́днику, уми́льно зове́м:

Ра́дуйся, врачева́ние нечести́ваго армени́на посрами́вый.

Ра́дуйся, обрече́ннаго на смерть тем же армени́ном неду́гующаго со одра́ боле́зни воздви́гнувый.

<sup>6</sup> бесстыдное, наглое





Ра́дуйся, осужде́ннаго на смерть и напое́ннаго сме́ртным я́дом, чуде́сно исцели́вый и от сме́рти изба́вивый.

Ра́дуйся, испи́вый сме́ртный яд от врага́, и по сло́ву Господню: «Аще и что сме́ртно испию́т, не вреди́т им», живо́т невреди́мый сохрани́вый.

Ра́дуйся, зло́бу и кова́рство враго́в свои́х посрами́вый.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 7

Хоте́ние еди́ное име́л еси́, блаже́нне о́тче, е́же Бо́гу угожда́ти и спасе́нию душе́вному и здра́вию теле́сному бли́жних твои́х благоче́стно служи́ти. Те́мже ке́ллия твоя́ пеще́рная бысть враче́бница благооти́шная вся́кому челове́ку ни́щему и бога́тому, кня́зю и убо́гому. Ты же, еди́ное в се́рдце име́я: всем вся бы́ти, врачева́л еси́, не взира́я на лице́, призыва́я всех ку́пно се́рдцем и усты́ немо́лчно возглаша́ти Богу: Аллилу́иа.

<sup>&</sup>lt;sup>7</sup> жизнь





#### Икос 7

Но́ваго тя чудотво́рца вели́каго позна́ сла́вный князь Влади́мир Монома́х, на одре́ боле́зни возлежа́, пребыва́я при кончи́не свое́й, сле́зно моли́л еси́ тя притещи́ и исцели́ти его́. Но ты, мона́шеский обе́т соблюда́я николи́же стен оби́тели оставля́ти, посла́л еси́ зе́лие от трапе́зы своея́, и князь, вкуси́в его́, здрав восста́. Такове́й си́ле твоего́ чудотворе́ния и нелицеприя́тия дивя́щеся, вопие́м ти хвале́бно:

Радуйся, крине пещернаго прозябения.

Радуйся, мира Христова благоухание.

Ра́дуйся, не сокры́вый тала́нт врачева́ния, тебе́ Домовлады́кою вруче́нный.

Ра́дуйся, ра́ди си́льных ми́ра сего́ обе́та и́ноческаго не нару́шивый.

Ра́дуйся, сла́вы ра́ди вышняго зва́ния сла́ву челове́ческую нивочто́же вмени́вый.

Ра́дуйся, я́ко вели́каго кня́зя Влади́мира Монома́ха с одра́ сме́ртнаго неду́га бы́лием, тобо́ю благослове́нным, и моли́твою подъя́л еси́.

Ра́дуйся, Ага́пите, душе́вных и теле́сных неду́гов ско́рый цели́телю.





#### Кондак 8

Стра́нника и прише́льца в ми́ре сем помышля́л еси себе́ бы́ти, Ага́пите блаже́нне, те́мже о бога́тстве земне́м вся́кое попече́ние отложи́л еси́. Вся́кое стяжа́ние су́етное возбраня́я, приходя́щих к тебе́ разделя́ти достоя́ние свое́ с ни́щей бра́тиею, и в ея́ лице́ Самому́ Христу́ служи́ти, поуча́л еси́, немо́лчно воспе́вая хвале́бную песнь: Аллилу́иа.

#### Икос 8

Весь в Бо́зе быв, о́тче блаже́нне, о Бо́зе и угожде́нии Ему́ при́сно поуча́л еси́, умоля́я ничто́же предпочита́ти па́че любве́ Христо́вы и па́мятуя рече́нное Христо́м: «Не собира́йте себе́ сокро́вища на земли́, иде́же моль и ржа<sup>8</sup> истребля́ют, а собира́йте себе́ сокро́вища на небеси́», — не пожела́л еси́ ра́ди благ вре́менных лиши́тися благ ве́чных, отверга́л еси́ вся да́ры, тебе́ кня́зем приноси́мыя, поуча́я раздава́ти их ни́щей бра́тии и убо́гим. Те́мже и мы таково́е твое́ нищелю́бие восхваля́я, зове́м ти си́це:

<sup>&</sup>lt;sup>8</sup> ржавчина





Ра́дуйся, блаже́нство ни́щих ду́хом унасле́довавый.

Ра́дуйся, нищету па́че бога́тства возлюби́вый.

Ра́дуйся, мзду за свое́ врачева́ние отве́ргий и разда́ти ю ни́щым и убо́гим повеле́вый.

Радуйся, после́дния укру́хи<sup>9</sup> хле́ба своего́ с неиму́щими разделя́ти поуча́вый.

Ра́дуйся, любо́вь к Бо́гу любо́вию к бли́жним свои́м свиде́тельствовавый.

Ра́дуйся, похвала́ми моли́твенными до днесь в оби́тели Пече́рской зело́ почита́емый.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 9

Всем приходи́вшым в оби́тель моли́тв и врачева́ния ра́ди, блаже́нне о́тче, ди́вно бысть ви́дети тебе́, ни́щетно в ке́ллии твое́й пребыва́ющаго, оба́че ты всех ра́вною любо́вию прие́мля, кому́ждо сло́во утеше́ния или́ исцеле́ние подава́л еси́, науча́я пе́ти Вино́внику всех благи́х Богу: Аллилу́иа.

<sup>9</sup> куски, ломти





#### Икос 9

Вития<sup>10</sup> многовеща́нныя не возмо́гут досто́йно воспе́ти по́двиги и чудотворе́ния твоя́, блаже́нне Ага́пите, мы же таково́му житию́ твоему́ дивя́щеся, дерза́ем венча́ти тебе́, а́ще и недосто́йнии, похвала́ми таковы́ми:

Ра́дуйся, на скрижа́лех се́рдца твоего́ Зако́н Христо́в написа́вый.

Ра́дуйся, от глубины́ серде́чныя до́брая и душеспаси́тельная наставле́ния челове́ком износи́вый.

Ра́дуйся, пеще́рный граждани́не, гра́ды и ве́си напо́лнивый сла́вою твои́х чудотворе́ний.

Ра́дуйся, Бо́гом возлю́бленный и бли́жними твои́ми благословля́емый.

Ра́дуйся, о́браз соверше́нства о Христе́ в себе́ яви́вый.

Ра́дуйся, и́го Христо́во, благо́е и ле́гкое, и́скренне возлюби́вый.

Ра́дуйся, Ага́пите, душе́вных и теле́сных неду́гов ско́рый цели́телю.

<sup>&</sup>lt;sup>10</sup> ораторы





#### Кондак 10

Спасе́ния наде́жду стяжа́л еси́ при исхо́де твое́м, блаже́нне о́тче Ага́пите, и я́ко пшени́ца зре́лая во вре́мя пожа́тая, кончи́ною благо́ю пресели́лся еси́ в день, тебе́ пре́жде предука́занный Го́сподем во оби́тели го́рняя, прия́ти мзду от руки́ Пра́веднаго Мздовоздая́теля Христа́, Иже вчини́ ду́шу твою́ со ду́хи святы́х, немо́лчно возглаша́ющих пред престо́лом Сла́вы Его́ побе́дную песнь: Аллилу́иа.

#### Икос 10

Царя́ Небеснаго Христа́ ве́рный раб и после́дователь был еси́, о́тче Ага́пите, те́мже по нело́жному Его́ глаго́лу: «Иде́же есмь Аз, ту и слуга́ Мой бу́дет», мы, чту́щии тя, ве́руем несумне́нно, я́ко ты со Христо́м во оби́телех блаже́нства ве́чнаго водворя́ешися и ра́дости нетле́нныя наслажда́ешися, я́ко и́стинный Того́ уго́дник, от нас же услы́ши благохвале́ния сия́:

Ра́дуйся, предсказа́ния нечести́ваго армени́на о твое́й сме́рти посрами́вый.





Ра́дуйся, о дне твоея́ блаже́нныя кончи́ны от Го́спода извеще́нный.

Ра́дуйся, ду́шу твою́ в ру́це Го́спода ра́достно преда́вый.

Ра́дуйся, открове́нным лице́м сла́ву Трисия́ннаго Божества́ созерца́яй.

Ра́дуйся, те́лом сме́ртным в пеще́ре с наста́вником твои́м, преподо́бным Анто́нием, погребе́нный.

Ра́дуйся, душе́ю безсме́ртною к Сио́ну го́рнему воспари́вый.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 11

Пе́ние Пресвяте́й Богоро́дице прино́сиши, блаже́нне о́тче наш Ага́пите, о оби́тели твое́й святе́й и подвиза́ющихся в ней, и о всех, с любо́вию к тебе́ притека́ющих, при́сно хода́тайствуеши, прося́ ми́ра свы́ше и благопоспеше́ния всем вознося́щым достодо́лжныя<sup>11</sup> похвалы́ Триеди́ному Богу, воспева́я Ему́: Аллилу́иа.

<sup>11</sup> справедливые, достойные





#### Икос 11

Свети́льника тя добрых дел, блаже́нне о́тче, испове́дуем бы́ти и прославля́ем просла́вльшаго тя Го́спода, и́же чудесы́ мно́гими мо́щи твоя́ ознаменова́: струи́ бо исцеле́ний благода́тных источа́еши от них неду́жным, и подвиза́еши ве́рных вопи́ти тебе́:

Ра́дуйся, земны́й а́нгеле и небе́сный челове́че.

Радуйся, безмезднаго врачевания источниче.

Ра́дуйся, ми́ра многоцеле́бнаго преиспо́лненный фиа́ле.

Ра́дуйся, от ра́ки твоея́ святы́я исцеле́ния оби́льно подава́яй.

Радуйся, скорбящих утешителю.

Радуйся, унывающих ободрителю.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 12

Благода́ть Господню испроси́ нам, о́тче Ага́пите, почита́ющым с любо́вию святу́ю па́мять твою́ и усе́рдно притека́ющым к честне́й ра́це моще́й твои́х, от нея́же чуде́сныя исцеле́ния





подае́ши неду́жным. Тебе́ бо, чудотворе́ния да́ром от Бо́га просла́вленному, приле́жно мо́лимся: исцели́ на́ша неду́ги душе́вныя и теле́сныя, и помози́ нам предста́тельством¹² твои́м спасе́ние ве́чное получи́ти, да вку́пе с тобо́ю воспое́м Ди́вному во святы́х Свои́х Бо́гу: Аллилу́иа.

#### Икос 12

Поюще подвиги твоя, блаженне отче, ублажаем равноангельное житие твое, дивимся чудотворением твоим, молитвенно почитаем святую память твою, и припадающе к раце мощей твоих, умильно взываем:

Ра́дуйся, Пресвяты́я Богоро́дицы досто́йный моли́твенниче.

Радуйся, пещерожителей славо и похвало.

Ра́дуйся, святы́я оби́тели твоея́, вку́пе со Анто́нием и Феодо́сием, при́сное охране́ние.

Ра́дуйся, подвиза́ющихся в ней благонаде́жное заступле́ние.

Ра́дуйся, о приходя́щих в ню на поклоне́ние благи́й предста́телю.

<sup>12</sup> покровительством, защитой, помощью





Ра́дуйся, почита́ющих па́мять твою́ небе́сный покрови́телю.

Ра́дуйся, Ага́пите, душе́вных и теле́сных неду́гов ско́рый цели́телю.

#### Кондак 13

О преблажение отче Агапите! Ты горе на небеси, мы же долу на земли, удаленныя от тебе не толико местом, колико греховною нечистотою нашею, обаче дерзаем приносити тебе сие малое похвальное пение, еже милостивно приемь, моли Господа и Владыку нашего избавити нас погибели вечныя и сподобити блаженства святых, вопиющих Ему вечно хвалебную песнь: Аллилуиа.

(Этот кондак читается трижды, затем икос 1 и кондак 1.)

#### Молитва

О всеблажение Агапите, земный ангеле и небесный человече! Припадаем к тебе с верою и любовию и молим ти ся прилежно: яви нам, смиренным и грешным, святое свое заступление: се бо грех ради наших не имамы свободы чад Божиих просити о потребах





наших Господа и Владыку нашего, но тебе, молитвенника благоприятна, к Нему предлагаем и просим тя со усердием многим: испроси нам от благости Его благопотребныя дары душам и телесем нашим: веру праву, любовь ко всем нелицемерну, в злостраданиих терпение, тяжкими болезнями одержимым от недугов исцеление, под бременем скорбей и напастей неудобоносимых падающым и жития своего отчаявшимся, твоими молитвами получити скорое облегчение и избавление сподоби.

Не забуди, блаженне отче, обитель твою святую, присно тя чтущую, и всех живущих и подвизающихся в ней и на поклонение в ню приходящих, и соблюди их невредимыми от искушений диавольских и всякаго зла. Егда же приспеет наше от временнаго сего жития отшествие и к вечности преселение, не лиши нас помощи твоея небесныя, но молитвами твоими всех нас приведи в пристанище спасения и наследники яви нас быти всесветлаго Царствия Христова, да по-

<sup>&</sup>lt;sup>13</sup> удобные, необходимые (Псал. 31,6; 2 Тим. 4,11)





ем и сла́вим неизре́ченныя щедро́ты человеколю́бца Бо́га, Отца́, и Сына, и Свята́го Духа, и твое́ вку́пе с преподо́бными Анто́нием и Феодо́сием оте́ческое заступле́ние во ве́ки веко́в, ами́нь.

#### Молитва иная

О преподобне и Богоносне отче наш Агапите! Слуго Божий преизряднейший, чудотворче и врачу всемилостивый, всем с верою и любовию тя призывающим скорый помощниче и теплый заступниче. Яко светильник пресветлый, ты просиял еси житием добродетельным в горах киевских на пажити Богоматери: темже припадающе к раце многоцелебных мощей твоих, со страхом покланяемся и любовию лобызаем, из глубины сердца к тебе взывая: помози нам, угодниче Божий, помяни нас пред Господем и испроси нам от Него оставление согрешений наших вольных и невольных, в недузех страждущым скорое исцеление подаждь, путешествующим заступление, скорбящим утешение, бедствующым помощь и избавление и вся потребная





ко спасе́нию. Яко да твои́ми, о́тче, святы́ми моли́твами получи́вше благода́ть и ми́лость от Всеми́лостиваго Спа́са и Го́спода на́шего Иису́са Христа́, возвели́чим и просла́вим препе́тое имя Его́, Ему́же со Отце́м и Святы́м Духом сла́ва и держа́ва во ве́ки, ами́нь.

#### Величание

Ублажа́ем тя, преподо́бне о́тче наш Ага́пите, и чтем святу́ю па́мять твою́, наста́вниче мона́хов и собесе́дниче Ангелов.



#### Песнь 7

Ирмос: Росодательну убо пещь содела Ангел, преподобным отроком, халде́и же опаля́ющее веле́ние Бо́жие, мучи́теля увеща́ вопи́ти: благослове́н еси́, Бо́же оте́ц на́ших.

Дарова́ние имы́й свы́ше неду́ги исцеля́ти, преподо́бне, боля́ща мя небреже́нием благи́х дея́ний уврачу́й, я́коже иногда́ принесе́ннаго в неду́зе уврачева́л еси́, моли́твою пода́в тому́ здра́вие, и воспе́в: благослове́н Бог оте́ц на́ших.

Чудодействуя святыми твари Создатель, внезапу постави тя здрава пред злочестивым, иже видев, удивися скорому твоему от болезни в здравие пременению. Мучима мя язвами студных дел, во изменение исправления приведи, твоим, отче, свыше посещением, да пою: благословен Бог отец наших.

Боле́знь твоя́ и зе́лие сне́дно пону́ди испове́сти врача́ свое́ злоче́стие, его́же укори́л еси́, я́ко дерзну́ осяза́ти святу́ю твою́ ру́ку: се дерза́ю и аз тебе́, о́тче, приступи́ти, но молю́ тя, не отри́ни мя в ну́ждах мои́х, да пою́: благослове́н Бог оте́ц на́ших.





Сла́ва: Трудо́в свойх собра́в плоды́ с весе́лием, а́ки добр земледе́лец, блаже́нною кончи́ною отше́л еси́ к го́рним, прия́ти от Христа́ Бо́га дая́ние, и прия́л еси́ от Него́ неконча́емую ра́дость, многочу́дне Ага́пите.

И ны́не: К Твоему́ приста́нищу прибега́ем, Богоневе́стная Де́во, носи́ми жите́йских страсте́й волна́ми, я́же Ты укроти́, да воспое́м Тебе́: ра́дуйся, приста́нище жите́йских пла́ваний.

#### Песнь 8

Ирмос: Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Врач был еси, отче, предивен, теле́сныя боле́зни врачу́я в жи́зни сей живы́й те́лом, по кончи́не же твое́й душе́вное врачевство́ подава́я, я́коже сие́ на армени́не яви́л еси́, души́ того́ дав цельбу́ и ко благоче́стию наказа́ние.

Ви́дев тя, свя́те, армени́н в виде́нии чу́дном, испове́да я́сно, я́ко свят еси́ и преподо́бен: и в ве́ру из неве́рия прело́жся, бысть





и́нок твои́м направле́нием, его́же и нас не лиши́ пою́щих Го́спода во ве́ки.

Мно́гое имы́й дарова́ние, чудоде́йствовал еси́, исцеля́я боля́щих, ны́не же, сподо́бивыйся бо́льших дарова́ний, приложи́ пла́стырь на ра́ны души́ моея́, да получи́в осла́бу, превозношу́ Го́спода во ве́ки.

Сла́ва: Из пламенови́днаго све́та, святы́м струи́ благода́ти подая́й, Христе́ Бо́же, паля́щыя мя стра́сти угаси́ щедро́т твои́х росо́ю, разгоня́я тму страсте́й: се бо преподо́бный мо́лит с на́ми Тебе́ Го́спода, превозноси́маго от всех во ве́ки.

И ны́не: Просвети́вшая мир Пречи́стым Рождество́м Твои́м, мра́к злодея́ния моего́ разжени́, излива́я мне на благотворе́ние щедро́т Твои́х бога́тую ми́лость, да превозношу́ Тя, Ма́терь Бо́жию, во ве́ки.

## Песнь 9

Ирмос: Бо́га челове́ком невозмо́жно ви́дети, на Него́же не сме́ют чи́ни ангельстии взира́ти; Тобо́ю бо, Всечистая, яви́ся челове́ком Сло́во воплоще́нно, Его́же велича́юще, с небе́сными во́и, Тя ублажа́ем.





Богодарова́ннаго целе́бника<sup>14</sup> лю́дие иму́ще, никто́же да гряде́т к су́етным враче́м, и́же име́ние и здра́вие врежда́ют, но тре́буяй с ве́рою: да гряде́т к ра́це Богоно́снаго отца́, и ту́не прии́мет исцеле́ние.

Мы́сленныя ура́ниша ны разбо́йницы ны́не, неисце́льныя у́бо иму́ще я́звы, несумне́нно к многочуде́сней припа́даем ра́це твое́й, преподо́бне, и про́сим: пода́ждь цельбу́ тре́бующым, да вси тя хва́лим и велича́ем.

В го́рняя душе́ю возше́д во всесветя́щияся черто́ги, оста́вил еси́, преблаже́нне, ра́ку моще́й свои́х в пеще́ре: и́мже покланя́ющеся про́сим: пода́ждь неду́гом на́шим исцеле́ние, да тя пе́сньми велича́ем.

Сла́ва: По́мощи от тебе́ в не́мощех прося́щих не пре́зри, но посеще́нием твои́м даждь душе́вное вку́пе и теле́сное исцеле́ние, преблаже́нне Ага́пите, я́ко сый врач преизя́щный, да вы́ну тя велича́ем.

И ны́не: По́мощи от Тебе́ тре́бующих не пре́зри, Де́во, но подава́й с ве́рою к Тебе́ притека́ющым: Ты бо еси́ исто́чник цельба́м не-

<sup>&</sup>lt;sup>14</sup> врача, целителя





оску́ден, да Тя с небе́сными си́лами при́сно велича́ем.

Досто́йно есть... Трисвято́е. Отче наш... Тропа́рь.

Слава и ныне... Господи, помилуй, трижды. Господи, благослови.

Моли́тв ра́ди Пречи́стыя Твоея́ Ма́тере, преподо́бных и Богоно́сных оте́ц на́ших Анто́ния и Феодо́сия, Ага́пита безме́зднаго цели́теля и про́чих чудотво́рцев Пече́рских и всех святы́х, Го́споди Иису́се Христе́ Бо́же наш, поми́луй нас.



## ЖИТИЕ ПРЕПОДОБНОГО ОТЦА НАШЕГО АГАПИТА ПЕЧЕРСКОГО

Когда преподобный отец наш Антоний Печерский был прославлен даром исцелений, пришел к нему из Киева в пещеру блаженный Агапит, ища душевного исцеления через пострижение в святой иноческий чин, и получил его.

И последовал он всей душой равноангельной жизни преподобного Антония, подвигов которого он был свидетелем; как тот великий муж, он сам служил больным и исцелял их своей молитвой, но, скрывая дар, данный его молитве, он подавал им зелие от своего кушанья, как будто оно было лекарственное. Блаженный Агапит видел это и трудился много лет, соревнуя в подвигах святому старцу. Когда кто из братии заболевал, преподобный оставлял свою келию (в ней не было ничего





такого, что можно было бы украсть), приходил к больному брату и служил ему, подымая его, укладывая, вынося на своих руках и непрестанно моля Бога о спасении больного, если болезнь и длилась по воле Божией, чтоб умножить веру и молитву раба Божия Агапита. Итак, подражая подвигам преподобного Антония, блаженный Агапит сподобился быть причастником той же благодати: он исцелял молитвой своей всех больных и подавал им также зелие, которое варил себе для пищи. И за то он был назван врачом. Слух о нем распространился в городе, и многие больные приходили к нему и уходили здоровыми.

В то время жил в Киеве один врач, родом и верой армянин, искусный во врачевании, подобного которому прежде не бывало. Лишь осмотрев больного, близкого к смерти, он узнавал и говорил ему день и час смерти, никогда не ошибаясь при этом и не пытаясь такого человека лечить. Один из таких больных был принесен в Печерский монастырь; он был первым боярином князя Всеволода, и армянин привел его в отчаяние, предсказав ему через восемь дней смерть. Блаженный же Агапит, сотворив молитву об этом боярине, дал ему при-





нять зелие, которое сам ел, и сделал его здоровым, после чего слава о преподобном пронеслась по всей земле русской. Армянин, уязвленный стрелой зависти, стал укорять блаженного и послал в Печерский монастырь одного осужденного на смерть, которому велел дать смертного зелия, чтобы этот человек выпил его пред Агапитом и умер. Блаженный же, видя его умирающим, дал ему такого зелия, которое сам ел, творя о болящем молитву, и так избавил от смерти осужденного на смерть. С тех пор иноверный армянин еще больше был возбужден против преподобного. И научил единоверцев своих подать самому Агапиту выпить смертного зелия. Блаженный же выпил и остался невредим. Ибо Господь, сказав: «Если и что смертоносное выпьют, не повредит им», — знает, как избавлять благочестивых от искушения (2 Het. 2, 9).

После этого заболел в Чернигове князь Владимир Всеволодович Мономах, которого усердно, но безуспешно лечил армянин. Недуг усиливался. Поэтому князь, уже находясь при смерти, послал к Печерскому игумену (тогда игуменом был Иоанн), прося прислать к нему в Чернигов





блаженного Агапита. Призвав преподобного, игумен передал ему просьбу князя. Но блаженный Агапит, которого никогда не видали выходящим из монастыря и врачующим за его пределами, отвечал со смирением: «Если я с таким делом пойду к князю, то должен идти и ко всем. Прошу тебя, отче, позволить мне не выходить из монастырских ворот для славы людской, от которой бегать до последнего своего издыхания я обещался перед Богом; если хочешь, я лучше уйду в другую страну и возвращусь сюда, когда минует эта нужда». Посланный же князем, поняв, что не удастся ему призвать к своему господину самого блаженного Агапита, стал просить его дать хоть зелия для исцеления. По уговору игумена блаженный дал посланному зелия от своей пищи; и когда оно было принесено к князю, он принял его и стал здоров молитвами преподобного.

Тогда князь Владимир Мономах пришел сам в Печерский монастырь, чтобы видеть того, через кого Господь даровал ему здоровье: он никогда не видал блаженного и хотел почтить его подарком. Но Агапит, не желая быть прославляемым на земле, скрылся, и принесенное для него золото





князь отдал игумену. В скором времени Владимир снова послал одного из бояр своих со многими дарами к блаженному Агапиту. Посланный, найдя преподобного в келии, положил пред ним принесенное. Блаженный же сказал ему: «Чадо, я никогда ни от кого не брал ничего, потому что никогда не исцелял силой моей, но Христовою; и теперь не нуждаюсь в этом». Боярин отвечал: «Отче, пославший меня знает, что ты не берешь ничего, но прошу тебя, чтоб утешить сына своего, которому Бог даровал через тебя здравие, прими это и отдай, если хочешь, нищим». Отвечал ему старец: «Если так ты говоришь, возьму с радостью. Передай же пославшему тебя, что и все прочее, что он имеет — чужое, и ничего не может он взять с собой, отходя из жизни, так пусть раздает то нищим. Ибо Господь, который Сам находится среди нас, избавил его от смерти. Я же не сделал ничего. Прошу его не ослушаться меня в том, чтобы не пострадать больше». Сказав это, Агапит взял принесенное золото, как бы для того, чтоб спрятать, вынес его из келии, бросил, а сам побежал и скрылся. Боярин же, вышедший вскоре, увидел все дары брошенными пред вратами. Он подобрал





их и отдал игумену Иоанну. Вернувшись к князю, боярин рассказал ему о блаженном все, что видел и слышал, и все поняли, что преподобный истинный раб Божий, ожидающий награды только от Него одного, а не от людей. И князь, не осмеливаясь ослушаться святого, стал щедро раздавать имение свое нищим.

После многих трудов и Богоугодных подвигов разболелся сам безмездный врач этот, блаженный старец Агапит. Узнав это, вышеупомянутый врачармянин пришел посетить преподобного и завел с ним разговор о врачебном искусстве, спрашивая его, каким зелием лечится такой недуг. Отвечал блаженный: «Тем, которым сам Господь, как Врач души и тела, подаст здравие». Армянин понял, что преподобный не сведущ во врачевании и сказал своим: «Ничего не умеет этот человек в нашем искусстве». Потом, взяв его за руку, сказал: «Истину говорю я: на третий день он умрет. Если же переменится мое слово, тогда я переменю свою жизнь и стану сам таким же монахом». Блаженный же с гневом сказал: «Таков ли способ твоего лечения, что больше говоришь ты о смерти, чем о помощи. Если ты искусен — дай мне жизнь. Ес-





ли же это не в твоей власти, что досаждаешь мне, приговаривая меня к смерти через три дня? Бог оповестил меня, что я отойду к Нему по истечении трех месяцев». Армянин снова сказал: «Ты уже весь изменился; такие, как ты, не живут никогда дольше третьего дня». Старец так изнемог, что уже сам не мог двигаться.

Между тем, к преподобному Агапиту, самому столь тяжко больному, принесли из Киева другого немощного для испеления. Блаженный пречудной Божией помощью встал, как будто бы не болел, и, взяв свое обычное зелие, которое употреблял в пищу, показал армянину со словами: «Вот зелие, которое служит мне лекарством. Смотри и разумей». Тот же, посмотрев, сказал святому: «Оно не из наших, но, думаю, из Александрии». Блаженный посмеялся над его невежеством, дал больному выпить того зелия и, помолившись, сделал его здоровым. Потом он сказал армянину: «Чадо, прошу тебя, поешь этого зелия со мной, если хочешь; потому что мне нечем угостить тебя». Отвечал ему армянин: «Мы, отче, постимся четыре дня этого месяца, и теперь пост». Услыхав это, блаженный спросил: «Кто ты и какой веры?»





Он отвечал: «Разве ты не слыхал обо мне, что я армянин?» Блаженный сказал ему: «Как же ты осмелился войти сюда, осквернить мою келию и держать мою грешную руку. Выйди от меня, иноверец и нечестивец!»

После этого блаженный Агапит, как предсказывал, прожил три месяца и, немного поболев, отошел к Господу месяца июня в первый день. И за то, что он был на земле безмездным врачом, получил великую мзду уже на небе, где нет болезни. Братия, опрятав его честные мощи, по обычаю положили их с пением в пещере преподобного Антония.

По смерти святого армянин пришел в Печерский монастырь и сказал игумену: «С этих пор я оставляю армянскую ересь и истинно верую в Господа Иисуса Христа, Которому желаю работать в иноческом святом чине. Ибо мне явился блаженный Агапит, говоря: «Ты обещался принять иноческий образ, если же солжешь, то с жизнью погубишь и душу». И я верую, что явившийся ко мне — свят; потому что, если б хотел он долго жить здесь, Бог даровал бы это ему; я думал, что он не проживет и трех дней, Бог же прибавил ему три месяца, и,





если б я сказал, что ему не прожить трех месяцев, он жил бы три года. И я думаю теперь, что он сам хотел уйти от нас, как святой, желая Царствия святых. И если Бог взял его из временной жизни в этой обители, Он дал ему жизнь вечную в Небесных обителях. Поэтому я желаю исполнить скорее приказание этого святого мужа». Выслушав эти слова от армянина, игумен постриг его в иноческий святой чин, дав наставление врачу чужих тел быть искусным во врачевании своей души, подражая блаженному Агапиту. Армянин провел жизнь свою в Богоугодных подвигах, и в том же Печерском монастыре принял блаженную кончину в честь Врача душ и телес Господа нашего Иисуса Христа, Емуже слава со Безначальным Его Отцом, и со Пресвятым, Благим и Животворящим Духом, ныне и присно, и во веки веков. Аминь.

## КАНОН С АКАФИСТОМ

## преподобному отцу нашему **АГАПИТУ**

печерскому чудотворцу

Акафист отредактирован согласно правилам церковно-славянского языка и догматическому и нравственному учению Православной Церкви

Редактор протоиерей Роман Матюшенко Корректоры Е.Б. Кудрявцева, В.А. Карноза Оригинал-макет А.В. Тригуба Дизайн послушника Василия Новикова и А.В. Тригуба

Издательство Киево-Печерской Лавры г. Киев, ул. Лаврская, 15, корп. 65. Подписано к печати 25.12.2008. Заказ № 20081202. Формат 42×29,7/8. Бумага офсетная. Гарнитура школьная. Печать трафаретная

